

Q. F. F. S.

DISSERTATIO MEDICO-CHIRURGICA

DE

## HIRUDINE,

QUAM,

INDULTU NOB. ATQUE EXPER. ORD. MED.  
IN SUPREMO AD SALAM LYCEO,

SUB PRÆSIDIO

VIRI NOBILISSIMI nec non EXPERIENTISSIMI

D:NI Doct. CAROLI

v. LINNÉ,

EQVIT. AURATI DE STELLA POLARI,  
S:Æ R:Æ M:TIS ARCHIATRI,  
MEDICIN. ET BOTAN. PROFESSORIS REG. ET ORD.  
ACAD. SCIENT. PARISINÆ UPSAL. HOLM. PETROPOL.  
BEROL. IMPER. NAT. CUR. BERNENS. LONDIN. ANGLIC.  
MONSP. TOLOS. ET FLORENT. MEMBRI,  
*PUBLICE VENTILANDAM EXHIBET*  
STIPENDIARIUS REGIUS,

DANIEL WESER,

HOLMIENSIS.

IN AUD. CAROL. MAJ. DIE 17 ~~MAY~~. mad.

ANNI MDCCCLXIV.

H. A. M. C.

136

BS

UPSALIÆ.

VIR AMPLISSIME atque CELEBERRIME

D:NE OLAVE  
ACREL,

M. D. CHIRURGIÆ PROFESSOR, AD NOSO-  
DOCHIUM REGIUM HOLMIENSE ET LEGIO-  
NEM VEXILLI EQUESTRIS CHIRURGE PRI-  
MARIE, SOCIETATIS REGIÆ, SANITATI  
**TUENDÆ PRÆFECTÆ, SOCIE, ACADEMIÆ**  
SCIENT. HOLM. ET CHIR. PARIS. ATQUE  
CHIRURGICÆ SOCIETATIS HOL-  
MIENSIS MEMBRUM ,

PATRONE MAGNE.

Permitas, Vir Celeberrime, ut qualicunque hac  
scriptione, bonas Tuas horas, atque gravissima,  
plurim in falso utem nunquam non impendenda, neg-  
otia aliquantis per interpellam. Evidem nemo  
me novit melius, quam sis alienæ laudis ut mini-  
me indigus; ita nequaquam avarus. Qvapropter  
ægro.

ægrorum unice in ejulatus intenti vix auribus ob-  
versantur elogia publica, aut acclamations turbæ  
confertissimæ, quæ carissimo pro capite atque pro  
servata valetudine vota nuncupat: scilicet pulcrius  
ducit ista magnanimitas præclare agere, quam præ-  
clare prædicari. Quæ licet ita sint; non potuit ta-  
men sibi temperare intimus in me beneficiorum  
sensus, quo minus gratiarum saltim testificationem  
aliquam, vel invito obtruderet. Tute enim es, Vir  
Amplissime, cuius disciplinæ, consilio & benevo-  
lentiæ, tantum non paternæ, potissime acceptum  
refero, si quid a me salutare profici poterit. At-  
que sicut ipse Te non indignum ducis vel vilio-  
ribus subinde Artis operibus manus admoveare; ita  
nec indigne feras, quod hanc, ex inferioribus Chi-  
rurgiæ scatebris haustum, materiem Tuis oculis  
subjiciam. Ceterum, ut in Tuo ære, cuiusvis cum  
felicitatis adprecatione, dum vixero, totus vivam,  
ita neque solido Tuo ac solito unquam favore pa-  
tiaris destitui

*AMPLISSIMI atque CELEBERRIMI  
NOMINIS TUI*

*cultorem humillimum*  
DANIELEM WESER.

Åldermannen vid Gördelmakare-Ämbetet  
i Stockholm,

HERR LUDOLPH  
WESER,

Och

FRU CATHARINA  
STARK,

Huldaſte Föräldrar.

**D**etta tilfället lämnar mig väl någon, men dock alt för  
trång utvåg för de mångfaldiga rörelser af vördnad  
och årkänsla, som skynda om hvarandra att visa sig för  
en buld Fader och öm Moder. Dock jag nödgas snart  
med et slags blödighet hålla dem tillbaka, när jag finner,  
huru litet alla ömbets betygelse, kunna i värket tilfreds-  
ställa et rätt tacksamt finne. Det är med ord, som med  
färgor; man kan med dem icke altid fullkomligen skildra  
naturen, och om man det åfven kunde, så blir han dock en-  
dast målad. Huldaſte Föräldrar! för Eder lågar alt, hvad  
kärlek och tacksambet kan uptånda, mäst brinnande i et  
barnsligt hjerta. Detta är mer, än ord, likasom Edert väl-  
górande, är mer, än välvilja. Men jag kan likväl icke an-  
nat säga, än hvad jag känner, eller önska at göra, än hvad  
jag ville. Men hvad önskar jag? Den Högste värdes måt-  
ta Eder med välsignelse och längt lif.

Framhärdar, under oafslatelig vördnad,

Huldaſte Föräldrars

20

Lydigſte son,  
DANIEL WESER.

D. D.



irandum naturæ ordinem debita attentione qui considerat, omnia, aut mediate aut immediate, hominum utilitati & commoditati inservire, facile reperiet. Natura scilicet tam multiplex est in suis operibus, ut vix quid desideretur, si illam recte cognosceremus. Qvis non obstupescat, dum arma & ora animalium, quorum sua cuique generi tribuit rerum **Arbiter**, justæ contemplationi subjiciat?

Inter animalia vermes nostra admiratione videntur dignissimi, quippe qui a nostra & eorum animalium, quæ nobis sunt simillima, figura valde differunt. Nec aliam esse rationem existimamus, cur pars illa Historiæ Naturalis, quæ naturam vermium explicet, ad nostra usque tempora minus exculta & æstimata sit. Nostra autem ætas, ut vere dicam, tum naturam, tum œconomiam horum sat mirabilem ante oculos primum posuit. **Quid?** quod a cæteris animantibus vermes multis differt proprietatibus; & in primis ab Insectis, quibus, huc usque fuere commixti. Carent enim capite, vix oculos, non aures, vel nasum habent. Pedibus & pulmonibus destituuntur. **Nullo** vel sal-

A

tem

tem unico prædicti sunt ossiculo, visque sese alias pandendi, alias contrahendi illis est concessa.

Sunt autem horum quinque ordines, quemadmodum tradit Systema Naturæ: Intestina nempe, Mollusca, Testacea, Lithophyta & Sopphyta. Intestina, quæ ordinem primum componunt, sunt vermes, qui artibus destituti, nudi item & liberi, ut e loco in locum facillime se mouere possint. Sub hoc ordine sequentia, genera militant: Gordius, Furia, Lumbricus, Ascaris, Fasciola, Hirudo, Myxine & forsan Teredo. Ex his, Hirudinem tantum nostræ subjiciemus considerationi, speciminis Academicis instar; & hoc dum facimus, Tuam, Letor Benevole, benigniorem centuram expetimus.

### §. I.

Distinguitur autem a reliquis in eo præsertim Hirudo nostra, quod ad posteriorem extremitatem corporis cotyla gaudeat subrotunda; qua quidem cotyla in motu ac incessu hunc in modum utitur, ut illa rei se cuivis objectæ adfigat: quo facto, corpus in longum extendens, sese, anteriora versus attenuando, prolatat: tam ita exprorectum animal capito seu apice suo truncato antico hærens, atque posteriorem extremitatem relaxans corpus in formam ovatam contrahit, quo sic cotulam illam posticam ad caput quam proxime admoveat. Hac igitur cotyla atque capite alternis vicibus hærens, eadem ratione cursum repetit, puta extendendo, attenuando, prolatando, contrahendoque; perinde fere ac incedat larva Phalenæ Geometræ. Dum vero in aquis natat,

natat, aquas penetrat motu serpentino sive undulatorio totius corporis. Species quædam sunt teretes, aliæ depresso, aliæ striis transversis cinctæ, aliæ levigatae, aliæ verrucis obsitæ. Genitalia locantur subtus fere in medio, sed extremitati anteriori propiora & silus supra extremitatem est posteriorem. Quædam ovula pariunt, quæ herbis affiguntur. Quædam pariunt ovula composita, patellis ovariis similia, aliæ ovula vel pullos sub abdomine gerunt. N. D. Præses unam aliquando aperuit, pullo admodum magno gravidam, cuius funiculus umbilicalis extremitati posteriori pulli adhærebat. Dum mas & fœmina coëunt, ex analogia cum reliquis vermis rite notis, qui androgyni sunt, sexum utrumque concipere credimus. Habitant variæ in aquis dulcibus, ut in piscinis & in torrentibus, nec falsas aquas ferunt. Aliæ & distinctæ species in mari occurunt, nec alibi, uti Hirudo muricata.

## §. II.

Species hujus generis in systemate Naturæ sequentes enumerantur pag. 649. *Sanguisuga, Medicinalis, Octoculata, Stagnalis, Complanata, Indica, Geometra, Muricata*, quas recensitas videoas in Fauna Svecica, cum variarum descriptionibus & synonymis. pag 278.

Medici ab antiquis inde temporibus, solliciti fuerunt, de ea specie, in usum medicinalem, elegenda, quæ maligna non esset, nec iectus venenosus caussatura. Quantum autem mihi notum est, nullæ in plaga nostra boreali metuendæ sunt vene-

no infestæ Hirudines. Et ex observationibus Experientissimi D:ni D:ris GISSLER constat, Norrlandos loco Medicinalis adhibere speciem Hirudinis, quam sanguisugam appellant & vulgo *Häst-Igel* vocatur, quibus tamen persvasum est, quod solum novem incidissimum equum exhauirient, & sanguine & vita privarent.

Species autem, quam Medici & Chirurgi potissimum in usum vocare solent ad morbos sanandos, est *Hirudo Medicinalis* vel *Hirudo depressa fusca*, lineis flavis dorsalibus sex: intermediis immaculatis; subtus cinerea nigro maculata. Qvam graphice descripsit Praeclarissimus D:nus BERGMAN in actis Holmensibus 1757 pag. 308. In nostris terris hæc est maxima, sæpe quinque pollicum longitudine, subtus depressa & maculis flavis variegata.

### §. III.

Qua gaudent vis illa, Hirudines, singularis, sanguinem e corporibus animalium detrahendi, in primis allexit Medicos, ut easdem suos in usus converterent. Ipsamque hanc sanguinis missionem dextre ita efficiunt, ut nihil supra. In ore enim tres observavimus dentes, quos cuti ita applicant, ut inde vulnusculum existat, ab omni fere dolore alienum, quod sola magnitudine differt ab illo, quod gladius triceps, Italis *Eftocado* dictus, inflxit, cuius etjam figuram gerunt dentes conniventes. Si famelicæ, ita sese affigunt, locoque occupato, adeo tenaciter adhærescant, ut vix vi avelli sese patiantur. Sic dimidiā circiter horæ partem sanguinem

im.

imbibendo, insistit Hirudo usque dum distenta ad crassitatem digiti majoris & bene satiata fuerit.

*Non missura cutem, nisi plena cruoris Hirudo.*

HORATIUS.

§. IV.

Hirudinum hanc sanguinis suctionem antiquissimis Medicis innotuisse, non est, quod dubites. Ita enim PLINIUS libro XXXII. cap. X., Diversus Hirudinum, quas sanguisugas vocant, ad extrahendum sanguinem, usus est. Quidam eadem ratione earum, quae cucurbitarum medicinalium, ad corpora levanda sanguine, spiramenta laxanda, judicatur. Sed vitium, quod admissæ semel, desiderium faciunt, circa eadem tempora anni, semper ejusdem medicinæ. Multi podagræ quoque admittendas censuere. Decidunt satietate, & pondere ipso sanguinis detractæ, aut sale adspersæ. Aliquando tamen affixa relinquunt capita, quæ causa vulnera insanabilia facit & multos interimit, si cut Messalinum e consularibus patriciis, cum ad genua admisisset. Invehunt virus remedio verso: Maximeque rufæ ita formidantur. Ergo sanguis ora forcipibus præcidunt ac veluti siphonibus defluit sanguis: paulatimque morientium capita se contrahunt: nec relinquuntur.

Supervacaneum foret adferre, quid Galenus, quid veteres, & plurimi recentiorum, de his commemoraverint. In primis cum variis nostratum harum naturam & proprietates adeo graphicè delineaverint, ut reliquis auctoribus palmam præripi-

A 3 ant.

ant. Maximam nempe laudem merentur, Praeclarissimus hujus Academiarum Adjunctus & Acad. Scient. Holm. Membrum D:us THORBERN BERGMAN, qui Historiam Naturalem Hirudinum egregiam tradidit, in Actis Holmensibus A:o 1757. Experiensissimus item D:nus Doctor, & ad Gymnasium Hernosandense Lector, NICOLAUS GISSLER, in iisdem Actis 1758, harum historiam & usum apud Norrlandos exposuit. Et Balneator Holmiæ dexterissimus Ernest. Diet. SALOMON observationes pulcherrimas, de illarum conservatione & applicacione addidit actisque nominatis inferuit. 1760.

§. V.

Ad usum, semper ut præsto sint Hirudines, e loco natali, tempore sive æstatis sive veris, colligantur, inque aqua limpida quidem, sed neque fontana neque falsa aut corrupta serventur, & quidem in vase vitro ampliori, quod cantharum unum aquæ contineat, vivasque Hirudines ꝑ recipiat. Vas illud claudatur cum panno linteo, rioris texturæ, vel aluta foraminibus perforata, ut aëris liber sit aditus. Quarto autem quovis die aqua mutanda, eademque non nimis frigida affundenda, ne suam amittant Hirudines alacritatem. Vix enim aut ne vix quidem in promo natali tempore hyemali occurruunt; antequam aqua tempore vernali calefiat vel saltem a calore solis temperetur. Vitrum in quo asserventur, subinde exponatur soli meridiano, ut alacriores evadant: Nonnulli contendunt, debere Hirudines cruce ali, recenti aqua commixto; at vero ex observationibus D:ni SALOMONIS novimus, per integrum

bi-

biennium, illas conservari posse in sola aqua. Et quoniam eo citius cutem appetant, si minus saturatae vel famelicæ existant, ante applicationem vasi vitro vacuo injiciantur & per horam detineantur, quemadmodum monuit vir modo laudatus.

### §. VI.

Dum ad usum & applicationem vocandæ sunt, pars illa corporis cui admovere easdem placeat, a fôrdibus omnino, præsertim sudoris falsedine erit libera: tum enim si famelicæ sint, sine mora rostrum infiunt & sugere incipiunt; si vero, in se adfigendo, tardiores sunt, juvat aliquantulum sanguinis vel lactis illinere, aut cutem superficiario vulnere incidere, ut pauculum sanguinis exeat, aut saccharum aqua solutum cuti inungere. Applicatio earundem commodissime aut per frustulum arundinis fissum instituatur, ut loco cutis destinato adhiberi possit, aut in cannulam iniciatur metallicam, quæ minime corrosiva sit sive septica, sed quæ apprime conveniens, capitulo ad cutem admoto: Aut denique, quæ methodus est frequentissima, molli linteo comprehendantur, ut sic parti destinatae admoveri possint.

### §. VII.

Pro ea quantitate sanguinis, quam detractam optamus, numerus sanguitugarum assumendus est. Nam una vulgaris magnitudinis circiter unciam unam detrahit. Et quamquam non desunt, qui monent caudas illarum forcipe amputandas esse, postquam turgescere incipient, quo largiori quantitate sanguinem fugant, diutius corpori adfixæ: Attra-

men

observavit D:nus SALOMON , non nisi quantitatem ordinariam illas assumere, & ideo haud commendanda methodus illa , qua vita facile privantur Hirudines.

### §. VIII.

Saturatæ sponte decidunt; Si vero citius eas remotas volumus, imprudentis utique esset, vi easdem detrahere; cum hoc modo dentes aut capita corpori infixæ relinquerent, incommodis gravioribus & ulceribus difficillime sanabilibus ansam præbendo pauculum vero muriæ seu salis culinaris soluti quod minime patiuntur dorsum earum adsperrgatur, quo statim decidunt. Aquas dulces enim inhabitant hæ nostrates sanguisugæ, falsas nequam ferunt; in piscinis pisces interdum, si multæ adsint, sanguinem detrahendo interficiunt. Hinc Oeconomi sal, quod illorum est antidotum, piscinis injicere docuere, unde facile destruantur. Præter ea fumus Tabaci adflatu, aut cineres adspersi, faciunt ut brevi demittant corpus, cui adhaerant. Si autem cito nimis a suetione, impediuntur, vulnusculum illud, ut ipse expertus sum, trombum parit, difficulter sanabilem. Itaque in actione potius relinquendæ, donec sponte decidunt, nisi prohibeat summa ægroti debilitas.

### §. IXi

Relicto ab Hirudinibus loco, ubi fuere adfixæ, sanguis per integrum fere horulæ spatium e vulnerè exstilla. Sanguis vero copiosior ut defluat, si e re esse judicatur, sellæ idoneæ insideat ægrotus, sub qua,

qua, vas in quod sanguis excipiatur ponи convenit, itemque candelarum quatuor frustula accensa, quorum calor efficit, ut sanguis huc abundantior derivetur. Aut, quod commodius opinor, vas aqua calida repletum infra sellam collocetur, ut vapor aquae ad anum vel partem affectam ascendat. Sanguinem vero si separatim lubet colligere, aliud constituantur vas, quod innatans aquae, sanguinem excipiat. Sub actione vero, si vas aliquod sanguiferum nobilius laeserint, consultius videtur, fluxum aliquantis per admittere, vulnusque spongia in aqua calida madefacta, fovere. Tum ut sanguis sistatur, imposito splenio cum spiritu vini rectificatissimo, facile id obtinetur, sin minus, debita utique deligatio utramque absolvet paginam.

## §. X.

Hoc loco, haud incongruum fore existimo monere: quod si sanguisuga intestinum rectum intraverit, quippe quod incuria Chirurgi aut applicantis aliquando factum legimus, tum clysmate ex aqua bene falsa debere expelli. Exempli loco adferam quae habet Zacutus Lusitanus Hist. Med. Princ. I. i. observ. 8. „Nobilissimus quidam ex quartana „diu male habens, cum verno tempore Medicorum „consilio atri humoris evacuationem pararet, & hac „de eaussa ano Hirudines sibi apponendas curaret; „Ecce Chirurgi digitos Hirudo subterfugiens & per „rectum intestinum ingrediens, altius penetravit. „Convocati Medici obstupuere omnes, praeferunt cum „apud Auctores nullum hujus exempli haberent scri-

„ptum vestigium. Accedens ergo nihil mali expe-  
 „ctandum fore prædixi, sicque sterlus. bovinum sic-  
 „cum modice calefactum, irroratum prius cimicum  
 „pulvere, vel loco cuius castoreum est optimum,  
 „ano admovere impero, cuius fumo & clystere ex  
 „folius cæpæ succo facta ipsa semimortua cum fœci-  
 „bus est exclusa; at vero longe certius faciliorique  
 methodo, sola muria injeta occidisset Hirudinem.

De cetero multi & veteres & recentiores Au-  
 ëtores referunt, Hirudines vivas, aquam impruden-  
 ter exhaustiendo fuisse deglutitas, & inde vomitum  
 cruentum extitisse, eumque saepe lethalem. Quam  
 ob rem Medicus, si hæmatemesis apud pauperes  
 deprehendat, disquirat, necesse est, annon tem-  
 pore nocturno Hirudines cum aqua deglutire po-  
 tuerint, quod si suspicari queat, aquam falsam pro-  
 pinari decet, qua necentur & deinde vomitorio e  
 ventriculo abigantur.

### §. XI.

Usus Hirudinum eo præcipue reddit, ut com-  
 mode admodum tumentes & dolentes hæmorrhoi-  
 des cæcas aperiant, varicibus ipsis ani admotæ. Hæ-  
 ret saepe intra hæmorrhoides cæcas & tumentes san-  
 guis congrumatus, polypi instar, qui efficit, ut mi-  
 nime repellentibus teterimi odoris repellantur, sed  
 intumescent cum dolore tensivo intolerabili. Quo  
 in casu Hirudinum usus est omnium præstantissimus,  
 & magis omnino securus quam scalpellorum. Ver-  
 bo: ad sanguinem - evacuandum ex illis locis, ubi  
 nec scarificationes, nec incisiones commode locum  
 ha-

habent, præstant Hirudines. Infantulis idcirco, ubi Venæsectio difficile admittitur, hujus loco Hirudines adhibere jussit Nob. D:rus Archiater ROSEN VON ROSENSTEIN. In libro vere aureo *de morb. inf.* p. 55. & 210. Loco sectionis arteriæ temporalis & venæ jugularis, quæ nonnisi summa Chirurgi prudentia ac dexteritate instituitur, Hirudinum efficaciam prædicat, D:rus Doctor PRINGLE vid. *libr. de morbis castris*.

225 ἐν παρόδῳ nominem, multos esse morbos, qui ex moliminibus hæmorrhoidalibus originem ducent, de quibus STAHLIUS in primis bonus est Author. Huc quidem præcipue referas *hæmaturiam*, *dolorem lumborum*, cum stupore extremitatum inferiorum, dolorem *ischiatricum*, dolorem tensivum sive *osteopum* femoris vel etjam tibiae, inque horum membrorum articulis, *ischuriam*, *tenesmum* seu mingendi & secedendi difficultatem. Horum morborum quidam consensu nervorum, in capite vim suam exserunt, ut *vertigo*, ut *mania*, ut *bypochondriasis* & *melancholia*. Hisce in casibus bene est observandum, non modo utrum in ano vasa quædam tumida seu varices appareant, sed etjam utrum ægrotus antea veris hæmorrhoidibus, iisque periodicis laboraverit. Hoc utrumque quando deprehenditur, tum utique hæmorrhoidum fluxum promovendum indicatur. Evacuatio autem, quam Hirudines efficiunt, tam est naturæ accommodata ut præstantior nulla. Observandum tamen easdem, aut ipsi sphincteri ani, aut loco illi proximo adponendas esse. Quod cum

ita sit, ne dubita, quin *anxietatibus Melancholicohypochondriacis & pruritui serpiginoso hæmorhoidali* egregiam præstent operam. Nec minori sunt usui in affectu ischiatico, ad mariscas si applicantur, quod & tribus exemplis confirmat *Celeberrimus STAHLIUS*, in dissertatione de usu sanguisugarum, ubi, ceteris medicamentis & internis & topicis frustra tentatis, hirudines præsentissimam præbuisse medelam, commemorat.

Plures Hirudinum utilitates, si desideras, attende quæso, quid in *inflammationibus externis & aliis morbis* valeant.

*In ophtalmia*, Hirudinum suctionem, si ad canthum oculi externum adhibentur, efficacissimum esse remedium, contendit D:nus PRINGLE l. c. *Inflammationi quoque carunculæ lacrymalis* optime occurunt, si fides habenda est magno HEISTERO.

*Odontalgiam* sæpe sustulisse Hirudines, ad gingivas vel locum proximum applicatas, suo ipsius exemplo expertum esse PARÆUM, novimus.

*Rheumatismo* Hirudinum operam haud male convenire indicat BALLONIUS, & experientia D:ris PRINGLE stabilitum videsis in lib. cit. pag. 172. In *cephalalgia* rheumatica Hirudines retro aures profuerunt, teste ZACUTO.

*Erysipelas* sæpe recurrente infestat eos, qui illi sunt obnoxii: Idem per Hirudines loco affecto adpositas, feliciter esse curatum & depulsum, pluribus constat observationibus. Id tamen juxta fateor,  
Ery-

Erysipelas hoc medendi modo, ut ipse vidi, in granānam vel suppurationem non optimam facile transire, quod tamen idoneis medicamentis plerumque resolvi potuit. Non quidem ibo inficias, quin si pluribus uti Hirudinibus volēpe fuerit, bonum et jam hoc in morbo præstent effectum. Unde & triginta harum in regione Norrlandorum adhibere, moris esse, narrat Dom. Doct. GISSLER.

*Ulcera cachoëtica crurum*, quæ semper cum erysipelate incipiunt, obstruptioni plerumque mensium debentur in sexu sequiori. Qvibus tamen Hirudines anno applicatae menses maturando, facile conducent. Memorabilem hujusmodi casum, mihi met, haud ita pridem, videre contigit. Fuit videlicet fœmina, quæ octo & quadraginta annos compleverat; integraque ut plurimum erat valetudine, sed parcissime menstruata. Hæc per viginti annos ulceribus tibiarum horrendis vexabatur. Quæ quidem, quanquam aliqua ex parte interdum curari poterant; tamen, statim dum deficiebant menses, recrudescabant ulcera maligna pedum. Medicamenta interim ad hæc depellenda, cum interna tum topica adhibebantur, atque hæc inter, fonticulos cruribus applicandos curavit. Inde autem nihil solatii experita, sed in pejus omnia ruebant. Ut autem mensum habita fuit ratio, medicamenta emmenagogia ditta propinabantur, sed effectu caruerunt omni. Inter ea varices ani & vasa venosa crurum valde turgida & varicosa visa sunt quam plurima. Postea igitur ægrotæ persuasum est, ut Hirudines anno admoveri sineret. Cui admonitioni dum morem gessit,

varices quidem ani evanescebant, de cetero autem nihil sensit solatii. Mensis spatio inde præterito hirudines iterum admisit, quæ uncias circiter quinque sanguinis illi exsugebant, eoque factum est, ut tumor pedum minueretur. Aliquot autem post hebdomada, æqualis crurum recurrebat tumor cum levæ inflamatione, circa labia ulcerum, conjunctus. Quæ singula patienter toleravit ægra, & admonita admittebat tertia vice, Hirudinum adapplicationem: & hoc quidem eo cum emolumento effectum est, ut menses facile redirent, sexque post hebdomada, ulcera, emplastro exsiccante & fascia expulsiva dicta adhibitis, curarentur. Fonticuli, quorum antea facta est mentio, quosque jam, per sedecim annos passa fuit, sua sponte nunc cessarunt. Ab illo usque tempore sana vixit, mensesque ut deficere cœperunt, minorata statim ulcera erupere; His autem, per fasciam nominatam, qua semper utitur, & hirudinum ad hæmorrhoides adapplicationem, facile mederi poterit. In Norrlandia, ut sæpe laudatus GISSLER nos certiores facit, ulcera cachoëtica, opera Hirudinum eo modo curari solent, ut cruribus eadem, ubi integra est cutis, adplicantur.

*Podagram*, Hirudinum ope non tantum sublevatum, sed per menstrua hæmorrhoidum penitus sublatam, ex Mouffeto commemorat STAHLIUS.

In œdeme pedum, in bacchia & varis, in scorbuto, in quartana, quid Hirudines conferant, si scire aveas, adeas licet Aëta Holm. 1759.

Clausulam hisce imposituri, Tuo, Lector Benyole, relinquimus judicio, annon Hirudines, in-

star

star beneficij maxime æstimabilis a supremo Nu-  
mine concessi, jure meritoque sint reputandæ: e-  
quidem crediderim nihil obstare, quin pruden-  
ti eas Medicorum operæ etjam atque  
etjam commendare liceat.

SOLI DEO GLORIA.



*To the Author of this fine and learned Dissertation.  
SIR.*

Your Virtue, Trade and Witt, my Friend,  
May make Your Fortune grow!  
J Wish Your Star Would be so Kind  
As Heaven kan bestow.

J. G. ACRELL.

*Min Herre.*

Då det enda at känna Edra lyckeliga egenkaper, är alt det samma, som att åska dem, så finnen J lätte-  
ligen grunden till både min högakning och vänskap.  
Jag har haft nöjet, at i Edert umgånge finna stör-  
re värde, än at jag skulle med stillatigande kunna  
anse Edra framsteg och Eder lycka. Edert närvaran-  
de snille prof är aldeles sådant, at det måste gagna  
Allmänheten, hedra Eder sielf och fågna Edra vän-  
ner. Faren fort, som J begynt, at å daga lågga Eder  
skickelighet, så skolen J hafva den hugnad at bota  
nästan så mycket med Edért förtroende, som med  
Edra läkedomar. Lef väl!

FR. AD. UL. FUNCK.

## Til Herr AUCTORN.

J åren Min Herre nu färdig, at göra et säkert steg till årans spets: skuggan följer kroppen och åran dygden; denne är hos Eder med lärdom blandad, och är så mycket lyckeliga. Hårom vitnar detta af Eder utgifna Medicinska arbete. Dock dygden rodnar vid sit beröm; och vår nära vänskap binder mig, at af Eder göra en värdig målning, men ej at uprigtigt önska, det är, under Allmagtens hägn, måtte snart få inbänta ljufva frugter af Eder flit och möda. Min vårdaste Vän! är hafven nog, och Edra Förbundne se sig nögde, då Eder förtkomst liknar Eder insigt och Eder dygd.

NILS SONDELL.

---

## Min Herre.

Wår vänskap hör vara så mycket djupare, som den fritt rota sig i en ålder, hvareft förbehåll och afsigter åga minst rum: i ~~seunda~~ mån år och vårceligen min fägnad öfver Edra fördelar. Det närvarande Academiska snille prof är deribland icke at förtiga. Är understödjen med de bästa grunder deras välvilja, som arbeta på at åter ställa den lidande verlden et räddningsmedel, hvilket den ej altid förstått bruка. Med et ord: är fäckten med styreka för de blodiglar, hvilka gå på en klack, äfven som alla Sedolärare med skål bekriga de tvåklackade. O! at Edra iglar måtte, befordra Eder lycka, och andras hålsa!

ABR. ÖSTERDAM.